

Harparimba a Cuera

■ (anr/sr) Era el mund dalla musica ei il duo Harparimba ina cumbinaziun speciala. Musicalmein porschan Patricia Meier (harpa) e Doris Affentranger (rimba) enzatgei tut aparti. La cumbinaziun da harpa e marimba ei en l'entira Svizra singulara. Grazia a differents concerts e la collaboraziun cun pliras formaziuns e lur engaschi a caschun da plirs camps da musica ein las giuvnas musicistas era enconuschentas ella Romontschia. Ussa selegran ellas d'envidar a lur concert che ha liug sonda, ils 28 da mars allas 20.00 ella baselgia Comander. Dumengia, ils 29 da mars allas 10.00 embellescha il duo Harparimba plinavon il survetsch divin ella baselgia reformada s. Martin a Cuera. Ils tuns sferics, vibronts e migeivels dalla harpa cumbinai culla marimba virtuosa, percussiva e plein groov ein tenor las musicistas ina cumbinaziun speciala. Quels dus characters musicals harmoneschien fetg bein e porschien in'aventura auditiva. Harparimba

sunan cumposiziuns per harpa e marimba, melodias folcloristicas ed agens arranschaments ord differents stils musicals. La neuropsicologa Patricia Meier ha saviu far da sia pissiun, la musica, il mistregn. Ils davos onns eis ella oravontut sefatschentada cullas numerusas pusseivladads da sunar e cumbinar che la harpa – in instrument oriundamein classic – porscha. Specialmein gauda ella quels muments cun sunar sia harpa da concert electroacustica. La pusseivladad dá rinforzar electricamein ils tuns dalla harpa arva all'artista innovativa differentas portas novas. Doris Affentranger da Baar ha entschiet a sunar xilofon tier Mike Quinn. Pli tard ha ella empriu da Raphael Christen da sunar marimba e vibrafon. Suenter in emprendissadi sco dessignadra da construcziun aulta e la matura professionala ha ella studegiu musica a Lucerna.

www.harparimba.ch



Tuns musicals che fan surstar igl audi-